



Riarthóir Ábhair

Conradh Buan

Fáilteoidh TG4 roimh iarratais ar an bpost Riarthóir Ábhair. I gCeannáras TG4 i nGaeltacht na Gaillimhe a bheidh an té a cheapfar lonnaithe agus beidh sé freagrach don Bhainisteoir Coimisiúnaithe.

Fostóir comhionannais deiseanna é TG4 agus déantar iarratais incháilithe a mheas gan beann ar inscne, gnéaschlaonadh, aois, taithí shóisialta, cine agus eitneacht, éagumas, stádas sibhialta an teaghlaigh, creideamh ná ballraíocht den Lucht Siúil. Tá meon dearfach ag TG4 i leith na hÉagsúlachta. Fáilteoidh muid roimh iarratais ó dhaoine a bhfuil cúlraí éagsúla acu.

An ról;

Beidh ról lárnach ag an té a cheapfar ag riar gnéithe a bhaineann le hábhar coimisiúnaithe agus ceannacháin.

I measc na gcúraimí a bheidh i gceist, gan bheith teoranta dóibh, beidh;

- Gnéithe a bhaineann leis an bpróiseas coimisiúnaithe agus ceannacháin a riar ó thús an léirithe go seachadadh na gclár.
- Eolas cuí a bhailiú agus a chomhordú agus a chur isteach in Whats-On agus Monday
- Na sruthanna oibre a bhrú ar aghaidh ar na córais eolais What's On agus Monday
- A chinntiú go bhfuil eolas cruinn faighte maidir le conarthaí dubála/ceannacháin/coimisiúnaithe agus curtha isteach sna córais inmheánacha.
- Cuidiú imeachtaí rannóg na gclár a chur i bhfeidhm
- Cumarsáid mhaith a chothú le rannóga inmheánacha agus leis na léiritheoirí neamhspleácha ó thaobh eolas faoi bhabhtaí coimisiúnaithe agus eolas faoi ábhar clár.
- Cúnamh a thabhairt sruthanna agus áiseanna oibre inmheánacha a fhorbairt.
- Seirbhís tacaíochta riaracháin a chur ar fáil don Bhainisteoir Coimisiúnaithe agus Ceannacháin de réir mar a bheidh ag teastáil.
- Aon fhreagrachtaí réasúnta eile a mheasann an Bainisteoir bunaithe ar riachtanais an ghnó nó riachtanais na rannóige.

Nithe atá riachtanach don phost seo:

- Is í an Ghaeilge teanga oibre TG4 agus tá sé riachtanach go mbeadh Gaeilge den scoth ag an té a cheapfar, idir labhairt agus scríobh na teanga.
- Fócas dearfach agus cumas maith foirne
- Urlabhra shoiléir agus ardchumas scríbhneoireachta agus cumarsáide
- Sár-thuiscint ar chórais a úsáid agus a chur chun cinn.
- Taithí mhaith ar chúrsaí riaracháin agus ríomhaireachta (ard-tuiscint ar Excel, MS Office agus ábalta córais nua a fhoghlaim go tapa).
- Taithí mhaith ar obair riaracháin agus eagrúcháin.

- Ábalta feidhmiú go muiníneach agus go héifeachtach as do stuaim féin i dtimpeallacht spreagúil.
- Ábalta spriocanna oibre a chomhlíonadh agus a chinntiú go mbeidh ábhar, a bheidh ar ardchaighdeán, cruinn, réidh agus ar fáil in am.

4pm Déardaoin an 5 Feabhra 2026 an dáta deiridh a nglacfar le hiarratais. Seol d'iarratas mar aon le litir iarratais chuig cv@tg4.ie.

Eolas Breise don Iarratasóir

Grád an Phoist:

Grád 5

Uaireanta Oibre:

39 uair sa tseachtain. Mar gheall ar riachtanais an phoist, táthar ag súil go mbeifí solúbtha ó am go ham, lena n-áirítear a bheith sásta oibriú, nuair atá gá leis, lasmuigh d'uaireanta oifige, ag an deireadh seachtaine agus ar laethanta saoire bainc.

Laethanta Saoire:

Chomh maith leis na laethanta saoire bainc reachtúla, beidh tú i dteideal 23 lá de shaoire íoctha in aghaidh na bliana.

Pinsean:

Tá baill foirne TG4 i dteideal dul isteach i nGrúpscéim Pinsin TG4 faoi réir théarmaí aon scéime atá ann cheana.

Taisteal:

Beidh taisteal i gceist ó am go chéile mar chuid den ról, in Éirinn agus thar lear.

Buntáistí eile a bhaineann le bheith ag obair i TG4:

• Deiseanna Oiliúna agus Forbartha • Saoire Staidéir agus Scrúduithe	• Táillí Ballraíochta Gairmiúla • Pinsean Ranníocach • An Clár Cúnaimh d'Fhostaithe • An Scéim um Rothaíocht chun na hOibre
---	--